

INUIT ATAQATIGIIT

Inatsisartuni



16.10.2025

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Inatsisitigut ataataqanngitsuunissamik Naalagaaffiup aalajangiisimaneranut tunngatillugu Naalakkersuisut sunik tunngaveqarluni aalajangiisimanermik ilisimasaqarpat?**
- 2. Inatsisartut ukiaq manna ataatsimiinerata nalaanni partiit ilaanniit "akissaaajaatitut" taakkartorneqartut, qanoq pineqartunut sunniuteqarsinnaanera eqqarsaatigalugu Naalakkersuisut erseqqissaasinnaappat?**

A) Nunatsinnimi meeraq kinaluunniit akissaaajaatitut isigineqaranilu taakkartorneqqannginnissaa pingaaruteqarpoq. Naalakkersuisut tassunga isumaqataappat?
- 3. Inatsisitigut ataataqqaqusaanngitsunut tunngatillugu, meeraasimasunut, anaanaasimasunullu tunngatillugu ikiorsiineq qanoq ittoq periarfissiissutigineqarsimava?**

(Inatsisartunut ilaasortaq Mariane Paviassen Jensen, Inuit Ataqatigiit)

Tunngavilersuut:

Inatsisitigut ataataqanngitsut naalagaaffiup iliuusaanut inuit eqqorneqarnikuusut annertuumik ikiligaareernikuupput, akuersaarneqarsinnaanngitsumik pineqarnikuupput, inatsisartunilu ilaasortaasugut tamavitta annertuumik akisussaafeqarpugut nunatta inuisa ataqqinartut tamavimmik ataqqinnittumik oqaatigisinnaasariaqarlugit. Akuersaanneqara inuit aalajangersimasut oqaluttarfiit ataqqinarnersaanniit akissaaajaatitut taakkartorneqarsinnaallutik inissinneqarnerat tamannalu pillugu Naalakkersuisut qanoq isumaqarnerat paaserusunarluni. Soorunami nalunngilara tamavitta killilersugaanngitsumik oqaaseqarsinnaasugut kisianni aamma nalunngilara inuiaqatigiinnut arlaanaannulluunniit mamiatsannartumik, annernartumik nikaginnippalaartumillu taakkartuisinnaanermik killiliinissamut.

Kissaatigaara apeqququtit ullut qulit qaangiutsinnagit akineqarnissaat.